

COV LUS QHIA KOM TXHUA PHAB LAGLUAM UA LOS MUS TIV THAIV KOM TSIS TXHOB KIS TAU TUS KABMOB COVID-19:

Cov Chaw Ua Yeeb Yam Kev Sib Sau Uas Neeg Muaj Rau Lawv Cov Neeg

Lub Plaub Hlis, Tim 14, 2021

Pib Siv Thaum Lub Plaub Hlis, Tim 15, 2021

Cov lus qhia uas yuav kom ua ntawm no yog tsim los qhia txhua phab haujlwm lossis lagluam thiab tej dejnum uas qhib nyob thoob plaws hauv lub xeev. Tiamsis, tej zaum cov neeg tuav dejnum nyob hauv lub chaw tuav dejnum saibxyuas kev noj qab nyob zoo hauv nroog los yeej tseem muaj cov lus tswj nruj tshaj cov ntawm no uas lawv npaj los siv raws li txoj kev muaj neeg kis tau tus kabmob nyob hauv lub nroog; yog li ntawd, cov chaw haujlwm yuav tsum tau mus nug kom lawv paub meej tias saib cov lus tswjhwj txoj kev qhib haujlwm lossis lagluam nyob hauv lub nroog yog muaj zoo li cas.

COV NTSIAB LUS DAV DAV

Txoj kev muaj tus kabmob COVID-19 sibkis loj yeej tseem tsim teebmeem rau txoj kev noj qab nyob zoo ntawm California cov pejxeem. Cov neeg uas muaj tus kabmob yog muaj cov mob me ntsis (tej tus neeg yeej tsis hnov muaj sab mob dabtsi li) mus rau cov mob loj uas yeej ua tau rau tus neeg tuag. Muaj tej pawg neeg, suav nrog rau cov tib neeg uas muaj tej yam mob loj, xws li kabmob plawv lossis mob ntsws lossis kabmob ntshav qab zib, yog cov neeg uas ntxim yuav tau mus pw hauv tsev khomob thiab yuav muaj lwm yam teebmeem yog lawv kis tau tus kabmob. Ntxiv ntawd, txoj kev uas ntxim yuav muaj mob loj thiab tuag yeej nce nrog lub hnuv nyoog. Thaum txoj kev muaj kabmob sibkis loj nthuav dav zuzus, peb paub tias tus kabmob COVID-19 yuav tsim tau teebmeem rau ntau ntau lub xeeb txam (organs) thiab nws muaj ntau txoj kev uas tus kabmob yuav tsim tau teebmeem rau ib tus neeg txoj kev noj qab nyob zoo.

Txawm tias cov tib neeg feem ntau uas muaj tus kabmob COVID-19 yeej rov qab zoo los thiab yeej rov qab ntsib kev noj qab nyob zoo zoo ib yam li qub los, ib txhia tib neeg yeej muaj cov sab mob uas yuav mob ntev mus txog ntau limpiam lossis txog hli tom qab tau muaj tus mob lawm. Cov tib neeg uas yeej tsis tau mus pw hauv tsev khomob thiab yeej tsis mob hnyav los yeej muaj cov sab mob tsis tseg lossis twb tau ntev ntev mam li muaj.

Qhov uas tib neeg ntxim yuav kis tau tus kabmob yog thaum cov tib neeg mus nyob ze lossis mus nyob ua ke hauv ib lub chaw tsis muaj cua hliv zoo nrog ib tus neeg uas muaj tus kabmob. Neeg yuav kis tau tus kabmob yog thaum twg ib tus neeg muaj tus kabmob yeej muaj cov sab mob, yeej tsis muaj cov sab mob, lossis yeej tseem tsis tau muaj cov sab mob. Cov hmoov kab virus yeej ya tau mus deb tshaj li rau kauj ruam nyob ntawm cov chaw nyob hauv tsev thiab yeej tseem ya tau nrog tej cua tsis poob txawm tias tus neeg uas muaj tus kabmob twb tawm hauv chaw tsev ntawd mus lawm. Neeg ntxim yuav kis tau tus kabmob nyob rau ntawm cov chaw nyob hauv tsev ntau tshaj li nyob ntawm cov chaw nyob nraum zoov. Yog thaum twg ib tus neeg ua tej cov dejnum, zoo li hu nkauj lossis seev suab, hais lus nrov, lossis ua pa loj, pivtxwv zoo li thaum dhia ua si, nws yuav ua tau kom qhov neeg yuav kis tau tus kabmob nce yog muab piv rau thaum ua pa thiab hais lus zoo ib txwm ua pa lossis hais lus.

Yog li ntawd, qhov uas neeg ua raws li cov kauj ruam uas lawv yuav ua tau los mus ua kom cov neeg ua haujlwm thiab cov pejxeem muaj kev nyabxeeb yog ib yam tseemcee heev.

Cov kev los tiv thaiv yog muaj:

- ✓ nyob kom nrug deb li deb tau ntawm lwm cov neeg,
- ✓ cov neeg ua haujlwm thiab cov qhua lagluam yuav tsum siv ntaub npog qhov ncauj qhov ntswg (nyob rau ntawm cov chaw uas tsis tag siv cov ntaub muaj chaw ua pa),
- ✓ rau cov chaw nyob hauv tsev, xyuas kom meej tias yeej muaj cua hliv txaus nyob rau ntawm txhua lub chaw,
- ✓ ntxuav tes thiab siv tshuaj tua kabmob los tu tej khoom thiab cov chaw neeg siv tsis tseg,
- ✓ qhia cov neeg ua haujlwm hais txog cov kev tiv thaiv ntawm no thiab lwm txoj kev npaj los tiv thaiv tus kabmob COVID-19.

Thaum Lub Kaum Ib Hlis, Tim 30, 2020, California Lub Chaw Tuav Dejnum Saibxyuas Kev Nyabxeeb thiab Kev Noj Qab Nyob Zoo Hauv Kev Ua Haujlwm (California Division of Occupational Safety and Health (Cal/OSHA)) tau muab ib [cov qauv uas lawv npaj los daws cov xwmceev mus ib ntus \(emergency temporary standard\)](#) (ETS)) coj los rau cov chaw haujlwm nyob hauv California siv los mus tiv thaiv kom cov neeg ua haujlwm tsis txhob kis tau tus kabmob COVID-19 nyob hauv California cov chaw haujlwm uas tsis siv Cal/OSHA [Tsab Cai Rau Cov Kabmob Uas Sibkis Los Ntawm Cov Pa Uas Ya Nrog Huabcua \(Aerosol Transmissible Diseases standard\)](#). Raws li tus qauv ETS, cov chaw haujlwm yeej muaj ntau txoj haujlwm suav nrog rau txoj kev los mus tsim thiab muab ib cov lus tswjhwmm thiab kev dhia dejnum siv coj los tiv thaiv kom tsis txhob muaj kev kis tau tus kabmob nyob ntawm lub chaw ua haujlwm; los mus nug kom paub cov neeg uas nyuam qhuav kis tau tus kabmob yog tias muaj; thiab, yog thaum twg paub cov neeg ntawd lawm, los mus nqis tes pab sai thiab los mus koomtes nrog cov neeg ua haujlwm nyob ntawm lub chaw tuav dejnum saibxyuas pejxeem txoj kev noj qab nyob zoo los txiav txoj kev sibkis ntawm tus kab virus. Tus qauv ETS muaj cov tswvyim uas peb yeej tau muab coj los qhia nyob rau hauv daim ntawv teev lus qhia ntawm no. Peb tau muab cov lus qhia kho dua tshiab los hais kom meej tias muaj tej lub sijhawm lub chaw tuav dejnum saibxyuas kev noj qab nyob zoo yeej tseem yuav kom neeg ua ntau tshaj cov kev tiv thaiv uas tus qauv ETS yuav kom ua thiab los qhia cov kev dhia dejnum uas peb pom zoo kom ua ntxiv rau cov homphiaj ntawm pejxeem txoj kev noj qab nyob zoo uas muaj ntau tshaj li cov uas tus qauv ETS yuav kom ua.

LUB ROOJ TEEV COV NTSIAB LUS

Lub Homphiaj	5
Yuav Tsum Siv Ntaub Npog Qhov Ncauj Qhov Ntswg	9
Kev Pabcuam Los Tiv Thaiv Neeg Ntawm Tus Kabmob COVID-19 Nyob Hauv Chaw Ua Haujlwm	10
Txoj Kev Muaj Neeg Kis Tau Tus Kabmob Coob thiab Txoj Kev Kuaj Saib Neeg Puas Muaj Tus Kabmob	10
Kev Tswj thiab Kev Kuaj Ntawm Ib Tus Neeg	10
Kev Muaj Cua Hliv Mus Los	11
Cov Lus Qhia Txog Kev Tu, thiab Kev Siv Tshuaj Tua Kabmob Los Tu.....	11
Cov Lus Qhia Uas Yuav Kom Ua Hauv Kev Nyob Nrug Deb.....	13
Noj Mov thiab Kev Npaj Zaub Mov	14
Kev Lom Zem, Kev Tso Suab thiab Duab, Kev Yees Duab/Kev Yees Duab Yeeb Yaj Kiab.....	14

Lub Homphiaj

Daim ntawv teev lus qhia ntawm no npaj muaj cov lus qhia uas xav kom Cov Chaw Ua Yeeb Yam thiab Cov Kev Sib Sau Uas Neeg Muaj Rau Lawv Cov Neeg los mus ua kom muaj ib lub chaw ua yeeb yam uas muaj kev nyabxeeb rau cov neeg ua haujlwm thiab cov qhua lagluam. Cov Chaw Ua Yeeb Yam thiab Cov Kev Sib Sau Uas Neeg Muaj Rau Lawv Cov Neeg yog ib cov chaw lossis kev sib sau txawv Cov Kev Sib Sau nyob hauv Lub Chaw Ua Yeeb Yam, thiab Cov Kev Sib Sau Uas Neeg Muaj Rau Lawv Cov Neeg yuav tsum tau muaj cov qhua cov npe thiab yuav tsum muab cov neeg tso mus zaum kom muaj chaws. Yuav kom cov neeg dhia dejnum hauv ib qho kev sib sau uas neeg muaj rau lawv cov neeg los mus muab qhov tias yuav pub neeg coob npaum li cas mus koom nce tau raws li qhov tias 100% ntawm cov neeg tuaj koom yeej mus kuaj lossis yeej mus txhaj tag cov tshuaj tiv thaiv tus kabmob lawm, lawv yuav tsum muaj kev los txheeb kom paub meej tias saib cov neeg mus kuaj lossis mus txhaj tag cov tshuaj tiv thaiv tus kabmob yog muaj zoo li cas. Peb yuav txwv kom tsuas pub neeg mus rau ntawm cov chaw thiab kev sib sau uas neeg muaj rau lawv cov neeg coob raws nraim li Theem Uas Pab Muab Lub Nroog Tso Rau xwb. Yog xav tau cov lus qhia tshiab txog qhov tias saib lub ntawm nyob rau theem twg, mus xyuas ntawm [Tus Qauv Npaj Los Ua Kom Muaj Kev Nyabxeeb Hauv Txoj Kev Ua Lagluam \(Blueprint for a Safer Economy\)](#). Thov nco ntsoov tias cov chaw tuav dejnum saibxyuas kev noj qab nyob zoo hauv ntawm yuav muaj cov kev txwv nruj dua thiab yuav muaj kev kaw lagluam lossis dejnum txawv. Mus nrhiav [cov ntaub ntawv koj lub ntawm muaj uas qhia txog cov kev txwv nyob hauv ib cheeb tsam ntawm koj nyob](#). Ua kom paub txhua yam uas muaj hloov dua tshiab nyob hauv lub chaw tuav dejnum saibxyuas pejeem txoj kev noj qab nyob zoo thiab lub xeev/lub ntawm cov lus qhia uas yuav kom neeg los mus ua, raws li qhov uas pheej muaj [tus kabmob COVID-19](#) mus ntxiv.

- o **Nyob Rau Txhua Theem:** Peb tsuas pub cov neeg uas tau muab npe ua ntej mus koom Cov Kev Sib Sau thiab Cov Chaw Ua Yeeb Yam Uas Neeg Muaj Rau Lawv Cov Neeg xwb.
 - o Cov chaw haujlwm uas muaj neeg ua haujlwm nyob rau ntawm ib qho kev sib sau uas neeg muaj rau lawv cov neeg yuav tsum tau tsim ib txoj kev los mus kuaj cov neeg ua haujlwm txhua limpiam saib lawv puas muaj tus kabmob COVID-19 koj los rau txhua tus neeg ua haujlwm ua tus txiav txim tias saib lawv puas yuav mus kuaj uas tej zaum lawv yeej tau mus nyob ze lwm cov neeg ua haujlwm. Qhov kev kuaj PCR lossis qhov kev kuaj cov kab uas lub cev tsim los tawm tsam tus kabmob yog cov kev kuaj uas peb pub cov chaw haujlwm siv los kuaj cov neeg ua haujlwm/cov neeg ua yeeb yam nyob rau thaum lub sijhawm uas muaj cov kev kuaj yeej tseem tsis ntev tshaj li xya hnub. Rau cov neeg uas lawv rov qab tuaj ua haujlwm rau thaum lub sijhawm uas qhov kev kuaj zaum tas los twb tau ntev tshaj li xya hnub lawm, peb tsuas pub cov chaw haujlwm siv qhov kev kuaj PCR los mus kuaj xwb.
 - o Peb yuav TSIS muab cov neeg ua haujlwm uas yeej mus kuaj txhua limpiam lossis twb mus txhaj tag cov tshuaj tiv thaiv tus kabmob lawm koj los suav rau hauv qhov tias tsuas pub muaj pes tsawg leej neeg nyob hauv ib lub chaw xwb. Peb yuav muab txhua tus neeg ua haujlwm uas tsis mus kuaj txhua limpiam lossis tseem tsis tau mus txhaj tag cov tshuaj tiv thaiv tus kabmob koj los suav rau hauv qhov tias tsuas pub muaj pes tsawg leej neeg nyob hauv ib lub chaw.

- Kev siv ntaub npog qhov ncauj qhov ntswg yog ib yam uas yuav tsum tau ua tshwj tias yog thaum tseem tab tom noj thiab/lossis haus ib yam dabtsi xwb. Cov qhua uas tsis kam ua raws li qhov no yuav raug muab tshem tawm ntawm qhov kev sib sau ntawd mus tam sim. Pub muaj cov kev zam zoo li muaj nyob hauv [CDPH Cov Lus Qhia Neeg Siv Ntaub Npog Qhov Ncauj Qhov Ntswg](#).
- Yuav tsum tswj cov qhov rooj nkag thiab tawm kom zoo los mus ua kom tsis txhob muaj neeg coob nyob rau ntawm cov qhov rooj tawm thiab nkag.
- Yog tias yeej npaj muaj zaub mov lossis dej rau neeg mus hais/hliv lawv tus kheej, yuav tsum muaj neeg los muab cov khoom noj thiab dej rau neeg (tsis txhob pub neeg mus hais/hliv lawv tus kheej) thiab txhua tus qhua yuav tsum tau nyob kom nrug deb thiab siv ntaub npog qhov ncauj qhov ntswg. Tsuas pub cov neeg tuaj koom thiab cov neeg ua haujlwm hauv qhov kev sib sau mus noj khoom thiab haus dej nyob rau ntawm cov chaw uas yeej npaj tseg rau neeg mus noj khoom thiab haus dej xwb.
- Peb yeej pub muaj cov kev ua yeeb yam uas muaj neeg tuaj saib tim ntsej tim muag nyob rau ntawm cov kev sib sau, kev sib sau los ua kev zoo siab, cov pluag mov loj, tej yam zoo li no, tiamsis yuav tsum tau ua raws nraim li txhua yam uas muaj nyob hauv [Cov Lus Qhia Uas Yuav Kom Neeg Ua Nyob Rau Ntawm Cov Chaw Uas Muaj Neeg Hu Nkauj lossis Ua Lwm Yam Yeeb Yam](#) lossis Cov Kev Sib Sau thiab Kev Ua Yeeb Yam Nyob Nraum Zoov Uas Muaj Rooj Rau Neeg Tuaj Zaum Saib Tim Ntsej Tim Muag.
- Cov neeg saib haujlwm ntawm qhov kev sib sau uas neeg muaj rau lawv cov neeg yuav tsum tos kom luv kawg los yog ntev li ob teev ua ntej yuav rov qab muaj dua ib qhov kev sib sau ntxiv los tiv thaiv kom cov neeg tuaj koom tsis txhob mus nyob tau sib xyaw.
- Yuav tsum muab cov neeg coj mus zaum kom muaj chaw sub cov neeg uas tsis yog ib tse neeg thiaj li yuav tsis nyob sib xyaw thiab nyob tau nrug deb tsawg kawg los yog li 6 kauj ruam. Cov neeg uas lawv twb mus txhaj tag cov tiv thaiv tus kabmob lawm yuav tsis tag nyob kom nrug deb li 6 kauj ruam raws li teev tseg rau hauv Cov Lus Kho Dua Tshiab Nyob Hauv Lub Rooj Teev Tus Qauv Blueprint Cov Lus Qhia Uas Yuav Kom Ua Los Dhia Dejnum & Dhia Lagluam Raws Theem - Cov Tib Neeg Uas Mus Kuaj thiab Mus Txhaj Tag Cov Tshuaj Tiv Thaiv Tus Kabmob Lawm thiab Cov Rooj Muaj Rau Lawv Zaum.
- Cov neeg muag khoom (pivtxwv, neeg yees duab, neeg muag paj, cov neeg zoo li no), cov neeg saib haujlwm, thiab lwm cov neeg ua haujlwm hauv qhov kev sib sau thiab cov neeg tuaj koom yuav tsum nyob kom nrug deb txhua lub sijhawm. Cov neeg yees duab yuav tsum siv lub koob yees duab uas neeg yuav nyob tau nrug deb.
- Mus xyuas [CDPH Cov Lus Qhia Txog Kev Khiav Kev Mus Los](#) rau txhua tus qhua thiab cov neeg tuaj koom.
- Mus xyuav Cov Lus Kho Dua Tshiab Nyob Hauv Lub Rooj Teev Tus Qauv Blueprint Cov Lus Qhia Uas Yuav Kom Ua Los Dhia Dejnum & Dhia Lagluam Raws Theem - Cov Tib Neeg Uas Mus Kuaj thiab Mus Txhaj Tag Cov Tshuaj Tiv Thaiv Tus Kabmob Lawm thiab Cov Rooj Muaj Rau Lawv Zaum, yog xav paub txog kev kuaj thiab kev txhaj cov tshuaj tiv thaiv tus kabmob.

Xim Xiav (Purple) - Muaj Kev Sibkis Ntau Heev - Theem 1: Yeej muab cov kev sib sau uas neeg muaj rau lawv cov neeg coj mus ua tau nyob rau ntawm cov chaw nyob nraum zoov thiab yuav tsum tau ua raws nraim li cov kev kho nyob hauv cov lus qhia ntawm no, suav nrog rau:

- **Nyob Nraum Zoov XWB:**

- Qhov uas pub pes tsawg leej neeg mus koom qhov kev sib sau yog 25 leej neeg.
- Yog tias cov neeg tuaj koom yeej muaj ntawv kuaj los qhia tias lawv yeej tsis muaj tus kabmob lossis muaj povthawj tias lawv twb mus txhaj tag cov tshuaj tiv thaiv tus kabmob lawm no, ces qhov uas pub pes tsawg leej neeg mus koom yog 100 leej neeg.
- Qhov uas pub pes tsawg leej neeg mus koom yog suav tag nrho cov neeg ua haujlwm thiab cov neeg tuaj pab haujlwm dawb nyob ntawm qhov kev sib sau ntawd.

Xim Liab (Red) - Muaj Kev Sibkis Ntau - Theem 2: Yeej muab cov kev sib sau uas neeg muaj rau lawv cov neeg coj mus ua tau nyob rau ntawm cov chaw nyob hauv tsev thiab nraum zoov thiab yuav tsum tau ua raws nraim li cov kev kho nyob hauv cov lus qhia ntawm no, suav nrog rau:

- **Nyob Nraum Zoov:**

- Qhov uas pub pes tsawg leej neeg mus koom qhov kev sib sau yog 50 leej neeg.
- Yog tias cov neeg tuaj koom yeej muaj ntawv kuaj los qhia tias lawv yeej tsis muaj tus kabmob lossis muaj povthawj tias lawv twb mus txhaj tag cov tshuaj tiv thaiv tus kabmob lawm no, ces qhov uas pub pes tsawg leej neeg mus koom yog 200 leej neeg.
- Qhov uas pub pes tsawg leej neeg mus koom yog suav tag nrho cov neeg ua haujlwm thiab cov neeg tuaj pab haujlwm dawb nyob ntawm qhov kev sib sau ntawd.

- **Nyob Hauv Tsev**

- Qhov uas pub pes tsawg leej neeg mus koom qhov kev sib sau yog 100 leej neeg. Txhua tus neeg mus koom yuav tsum muaj povthawj tias lawv yeej tsis muaj tus kabmob los ntawm kev kuaj lossis muaj povthawj tias lawv twb mus txhaj tag cov tshuaj tiv thaiv tus kabmob lawm.

Xim Daj Liab (Orange) - Muaj Kev Sibkis Ntau Tsem Tsawv - Theem 3: Yeej muab cov kev sib sau uas neeg muaj rau lawv cov neeg coj mus ua tau nyob rau ntawm cov chaw nyob hauv tsev thiab nraum zoov thiab yuav tsum tau ua raws nraim li cov kev kho nyob hauv cov lus qhia ntawm no, suav nrog rau:

- **Nyob Nraum Zoov:**

- Qhov uas pub pes tsawg leej neeg mus koom qhov kev sib sau yog 100 leej neeg.
- Yog tias cov neeg tuaj koom yeej muaj ntawv kuaj los qhia tias lawv yeej tsis muaj tus kabmob lossis muaj povthawj tias lawv twb mus txhaj tag cov tshuaj tiv thaiv tus kabmob lawm no, ces qhov uas pub pes tsawg leej neeg mus koom yog 300 leej neeg.

- Qhov uas pub pes tsawg leej neeg mus koom yog suav tag nrho cov neeg ua haujlwm thiab cov neeg tuaj pab haujlwm dawb nyob ntawm qhov kev sib sau ntawd.
- **Nyob Hauv Tsev**
 - Qhov uas pub pes tsawg leej neeg mus koom qhov kev sib sau yog 150 leej neeg. Txhua tus neeg mus koom yuav tsum muaj povthawj tias lawv yeej tsis muaj tus kabmob los ntawm kev kuaj lossis muaj povthawj tias lawv twb mus txhaj tag cov tshuaj tiv thaiv tus kabmob lawm.

Xim Daj (Yellow) - Muaj Kev Sibkis Tsawg - Theem 4: Yeej muab cov kev sib sau uas neeg muaj rau lawv cov neeg coj mus ua tau nyob rau ntawm cov chaw nyob hauv tsev thiab nraum zoov thiab yuav tsum tau ua raws nraim li cov kev kho nyob hauv cov lus qhia ntawm no, suav nrog rau:

- **Nyob Nraum Zoov:**
 - Qhov uas pub pes tsawg leej neeg mus koom qhov kev sib sau yog 200 leej neeg.
 - Yog tias cov neeg tuaj koom yeej muaj ntawv kuaj los qhia tias lawv yeej tsis muaj tus kabmob lossis muaj povthawj tias lawv twb mus txhaj tag cov tshuaj tiv thaiv tus kabmob lawm no, ces qhov uas pub pes tsawg leej neeg mus koom yog 400 leej neeg.
 - Qhov uas pub pes tsawg leej neeg mus koom yog suav tag nrho cov neeg ua haujlwm thiab cov neeg tuaj pab haujlwm dawb nyob ntawm qhov kev sib sau ntawd.
- **Nyob Hauv Tsev:**
 - Qhov uas pub pes tsawg leej neeg mus koom qhov kev sib sau yog 200 leej neeg. Txhua tus neeg mus koom yuav tsum muaj povthawj tias lawv yeej tsis muaj tus kabmob los ntawm kev kuaj lossis muaj povthawj tias lawv twb mus txhaj tag cov tshuaj tiv thaiv tus kabmob lawm.

LUS QHIA NTXIV: Cov neeg saib haujlwm hauv qhov kev sib sau uas neeg muaj rau lawv cov neeg yeej muaj ntau txoj kev dhia dejnum thiab kev pab uas muaj nyob hauv lwm cov lus qhia nyob rau ntawm [Cov Lus Qhia Kom Tej Phab Lagluam Ua Los Mus Txoj Kev Ntxim Yuav Kis Tau Tus Kabmob lub vassab \(Industry Guidance to Reduce Risk website\)](#). Cov neeg dhia dejnum ntawm lub chaw muaj kev sib sau yuav tsum muab cov lus qhia ntawm no coj los xyuas kom meej sub lawv thiab li paub tias lawv yuav dhia lawv txhua txoj haujlwm zoo li cas, tshwj tias nws yog ib yam uas daim ntawv teev lus tseemceeb ntawm no yuav kom ua. Cov chaw zoo li no yog muaj:

- Tsev so thiab tsev txais qhua (mus xyuas [Cov Lus Qhia Uas Yuav Kom Cov Tsev So, Cov Tsev Txais Qhua, thiab Cov Tsev Xauj Nyob Tsis Ntev Los Mus Ua \(Hotels, Lodging, and Short-Term Rentals Guidance\)](#))
- Cov tsheb nqaj hlaus, tsheb npav, thiab lwm yam tsheb uas thauj cov qhua mus los ([Cov Lus Qhia Uas Yuav Kom Cov Chaw Thauj Pejxeem lossis Tib Neeg, Xa Neeg, thiab Cov Tsheb Nqaj Hlaus Hauv Nroog Los Mus Ua \(Public and Private Passenger Carriers, Transit, and Intercity Passenger Rail Guidance\)](#))

- Txwv kom tsis txhob muaj kev thauj neeg mus los ntau yog thaum twg ua tau thiab kom ua raws li txoj kev uas yuav tau npaj rau cov neeg muaj kev xiam oob qhab.
- Cov kev tu tej nroj tsuag, tej vaj tse, thiab cheb vaj ceb tsev ([Cov Lus Qhia Uas Yuav Kom Tsis Txhob Qhib Kev Pab Ntau](#))
- Kev Ua Yeeb Yam Tim Ntsej Tim Muag (mus xyuas ntawm [Cov Kev Sib Sau thiab Ua Yeeb Yam Nyob Nraum Zoov Uas Muaj Rooj Rau Neeg Tuaj Zaum Saib Tim Ntsej Tim Muag](#) lossis Cov Kev Sib Sau thiab Ua Yeeb Yam Nyob Hauv Tsev Uas Muaj Rooj Rau Neeg Tuaj Zaum Saib Tim Ntsej Tim Muag)
- Cov chaw teev kev ntseeg thiab chaw teev dab qhuas (mus xyuas ntawm [Cov Chaw Teev Kev Ntseeg thiab Chaw Teev Dab Qhuas \(Places of Worship and Cultural Ceremonies\)](#))

Yog xav tau cov lus qhia tshiab txog qhov tias saib lub nroog nyob rau theem twg, mus xyuas ntawm [Tus Qauv Rau Kev Nyabxees Hauv Txoj Kev Ua Lagluam \(Blueprint for a Safer Economy\)](#). Thov nco ntsoov tias cov chaw tuav dejnum saibxyuas kev noj qab nyob zoo hauv nroog yuav muaj cov kev txwv nruj dua thiab yuav muaj kev kaw lagluam lossis dejnum txawv. Mus nrhiav [cov ntaub ntawv uas koj lub nroog muaj uas qhia txog ib cheeb tsam ntawm koj nyob](#).

Cov lus qhia no tsis yog cov uas peb npaj los muab cov cai uas cov neeg ua haujlwm muaj thim lossis hloov, tsis hais tias nws yuav yog ib tsab cai, ib cov lus tswj uas ob tog pom zoo, thiab yeej tsis muaj txhua yam, vim nws yeej tsis muaj lub chaw tuav dejnum saibxyuas kev noj qab nyob zoo hauv lub nroog cov lus hais kom neeg ua, thiab nws yeej tsis yog cov lus uas muab koj los hloov cov lus tswj uas muaj tam sim no lossis muaj tshiab los ua kom muaj kev nyabxees thiab kev noj qab nyob zoo xws li Cal/OSHA cov lus tswj.¹ Ua kom paub txhua yam uas muaj hloov tshiab nyob hauv lub chaw tuav dejnum saibxyuas pejxeem txoj kev noj qab nyob zoo cov lus qhia kom ua thiab lub xeev/lub nroog cov lus hais kom neeg ua thaum tseem muaj tus kabmob COVID-19. Cal/OSHA yeej muaj lus qhia ntau ntxiv hais txog kev nyabxees thiab kev noj qab nyob zoo nyob rau hauv lawv [Cal/OSHA Cov Lus Qhia Uas Yuav Kom Neeg Ua Los Tiv Thaiv Tus Kabmob COVID-19](#). CDC yeej muaj lus qhia ntxiv rau [cov lagluam thiab cov chaw haujlwm](#).



Yuav Tsum Siv Ntaub Npog Qhov Ncauj Qhov Ntswg

Mus xyuas [California Lub Chaw Tuav Dejnum Saibxyuas Pejxeem Txoj Kev Noj Qab Nyob Zoo \(California Department of Public Health\) \(CDPH\) Cov Lus Qhia Neeg Siv Ntaub Npog Qhov Ncauj Qhov Ntswg](#), uas yeej yuav tsum kom cov pejxeem thiab cov neeg ua haujlwm siv ntaub npog qhov ncauj qhov ntswg thaum lawv tawm hauv tsev mus rau ntawm cov chaw muaj rau pejxeem siv thiab cov chaw ua haujlwm. Neeg yuav mus nrhiav tau cov ntsiab lus txhua, suav nrog rau txhua yam uas yuav kom ua thiab cov kev zam rau cov lus tswj ntawm no, nyob hauv cov lus qhia, uas lawv yuav tsum tau nkag mus xyuas tsis tseg yog xav tau cov lus uas peb pheej muab kho dua tshiab. Ntxiv ntawd, CDPH yeej muaj [tswvyim pab](#) qhia txog cov hauv kev uas yuav siv tau ntaub npog qhov ncauj qhov ntswg zoo.



Kev Pabcuam Los Tiv Thaiv Neeg Ntawm Tus Kabmob COVID-19 Nyob Hauv Chaw Ua Haujlwm

Zoo li qhov uas Cal/OSHA [cov qauv siv los mus tiv thaiv tus kabmob COVID-19](#) yuav kom ua, cov chaw haujlwm yuav tsum sau kom muaj Ib Txoj Kev Pabcuam Los Tiv Thaiv Tus Kabmob COVID-19 coj los siv thiab muab kho tsis tseg uas lawv yeej muaj rau cov neeg ua haujlwm thiab cov neeg sawv cev neeg ua haujlwm (pivtxwv, lub koomhaum neeg ua haujlwm) los mus saib. Neeg yauv mus nrhiav tau cov ntsiab lus txhua, suav nrog rau txhua yam uas yuav kom ua thiab cov kev zam rau cov lus tswj ntawm no, cov qauv rau Cov Kev Pabcuam Los Mus Tiv Thaiv Tus Kabmob COVID-19, thiab Cov Lus Nug Uas Neeg Pheej Nquag Muaj nyob rau ntawm qhov chaw txuas mus ntawm no [link](#). Neeg yuav tsum tau nkag mus xyuas cov povthawj thiab cov lus qhia tsis tseg saib puas muaj tej yam lus tshiab.



Txoj Kev Muaj Neeg Kis Tau Tus Kabmob Coob thiab Txoj Kev Kuaj Saib Neeg Puas Muaj Tus Kabmob

Cov chaw haujlwm los kuj yuav tau ua raws nraim li Cal/OSHA cov lus tswj hais txog [cov kev muaj neeg kis tau tus kabmob coob](#) thiab [cov kev uas muaj neeg kis tau tus kabmob coob heev](#), suav nrog rau [txoj kev uas cov neeg ua haujlwm yuav tsum tau mus kuaj thiab txoj kev uas lub chaw haujlwm yuav tau muab hais qhia mus rau lub nroog paub](#). Lawv tsim nyog mus muab [Cov Lus Nug Uas Neeg Pheej Nquag Muaj Hais Txog Txoj Kev Muaj Neeg Kis Tau Tus Kabmob Coob](#) coj los xyuas kom lawv paub meej tias lawv yuav ua li cas thiab kom lawv paub cov lus piav qhia txog cov lus tswj.

Mus xyuas [CDPH' Txoj Kev Daws Cov Teebmeem Ntawm Tus Kabmob COVID-19 Nyob Rau Hauv Chaw Ua Haujlwm](#) yog xav paub cov lus txhais hais txog qhov tias saib muaj neeg coob npaum li cas kis tau tus kabmob thiaj li yuav muab hais tau tias muaj neeg kis tau tus kabmob coob thiab txhua yam uas yuav kom ua los muab qhov teebmeem ntawd hais qhia mus rau lub nroog paub.



Kev Tswj thiab Kev Kuaj Ntawm Ib Tus Neeg

Cal/OSHA tus qauv ETS yuav tsum kom cov chaw haujlwm los mus tsim thiab siv ib txoj kev los ntsuas cov neeg ua haujlwm thiab los pab cov neeg ua haujlwm uas lawv muaj cov sab mob ntawm tus kabmob COVID-19, nrog rau txoj kev los mus npaj ntau ntau txoj kev saibxyuas cov neeg los ntawm txoj kev yuav kom ua tej yam nyob hauv Txoj Kev Pabcuam Los Mus Tiv Thaiv Tus Kabmob COVID-19. Mus xyuas cov ntaub ntawv txuas mus uas muaj nyob rau ntawd yog xav paub cov ntsiab lus hais txog txhua yam uas yuav kom ua ntawd.

Ntxiv rau txhua yam uas tus qauv ETS yuav kom ua, cov chaw haujlwm yuav tsum:

- Muaj cov kev tiv thaiv uas tsim nyog, suav nrog rau kev tshaj tawm rau peixeem paub, kev muab cov paib koj mus tso rau ntawm cov chaw neeg yuav pom, thiab tso rau hauv daim ntawv uas qhia lub sijhawm neeg teem mus siv, los mus hais kom cov peixeem thiab cov neeg ua haujlwm paub tias lawv yuav tsum tau siv ntaub npog qhov ncauj qhov ntswg yog thaum twg lawv tsis tab tom noj lossis haus ib yam dabtsis (tshwj tias lawv yeej muaj kev zam raws li tus qauv ETS lossis [CDPH Cov Lus Qhia Neeg Siv Ntaub Npog Qhov Ncauj Qhov Ntswg](#)), nyob kom nrug deb, tsis txhob kov lawv lub ntsej muag, nquag siv xab npum thiab dej los ntxuav tes kom luv kawg los yog ntev li 20 chib (seconds), thiab siv cov tshuaj tua kabmob los pleev tes.
- CDPH pom zoo kom cov chaw haujlwm siv cov kev tiv thaiv uas muaj nyob nram qab no los mus tiv thaiv ntxiv txoj kev uas neeg ntxim yuav kis tau tus kabmob lossis lwm yam kabmob:
 - Hais rau cov qhua lossis qhua lagluam uas tsis xis neej lossis muaj cov sab mob ntawm tus kabmob COVID-19 kom lawv nyob twb ywm tom tsev.
 - Npaj kom muaj khoom siv los mus ua kom cov neeg ua haujlwm thiab cov qhua tu tau lawv tus kheej kom huv si. Qhov no yog yuav tsum npaj kom muaj ntawv so ntswg, cov thoob rau khoom pom tseg uas neeg yeej tsis tag chww, xab npum ntxuav tes, muab sijhawm txaus rau neeg ntxuav tes, cov tshuaj tua kabmob pleev tes uas muaj cawv xyaw, thiab cov ntawv so tes.
 - Muab cov hnab looj tes uas npaj los siv ib zaug xwb koj mus siv rau ntawm cov chaw uas cov hnab looj tes yuav yog ib txoj kev los pab ntxiv rau txoj kev ntxuav tes lossis txoj kev siv cov tshuaj tua kabmob los pleev tes, zoo li thaum mus muab lossis nqa cov khoom uas neeg nquag chww lossis tuav.



Kev Muaj Cua Hliv Mus Los

- Txhua lub lagluam uas peb pub qhib nyob hauv tsev yuav tsum tau ua raws nraim li CDPH thiab Cal/OSHA [cov lus qhia uas yuav kom ua hais txog kev ua kom muaj cua hliv mus los, kev lim cua, thiab kom muaj cua huv siab](#) uas siv tam sim no los mus txo txoj kev sibkis ntawm tus kabmob COVID-19 nyob rau ntawm cov chaw nyob hauv tsev. Cov lus qhia ntawm no los yeej qhia txog txhua yam uas yuav kom ua los mus ua kom muaj cua hliv mus los uas muaj nyob hauv Cal/OSHA Tus Qauv ETS Los Tiv Thaiv Neeg Ntawm Tus Kabmob COVID-19.
- Lub chaw CDC los yeej muaj ib cov lus qhia ntxiv txog txoj kev ua kom muaj cua hliv mus los thiab.



Cov Lus Qhia Txog Kev Tu, thiab Kev Siv Tshuaj Tua Kabmob Los Tu

- Cov chaw haujlwm yuav tsum siv cov kev npaj los tu thiab kev siv tshuaj tua kabmob los tu, zoo li muab hais rau hauv Cal/OSHA [Tus Qauv ETS Rau Tus Kabmob COVID-19](#). Yuav tsum muaj ib txoj kev los tu thiab siv tshuaj tua kabmob los tu kom nws tsis txhob tsim tau ib yam teebmeem rau cov neeg ua haujlwm.
- CDPH yeej tsis muaj ib yam dabtsi uas lawv yuav kom cov chaw haujlwm ua ntau tshaj cov uas tus qauv ETS yuav kom ua.
- CDPH pom zoo kom cov chaw haujlwm siv cov kev tiv thaiv uas muaj nyob nram qab no los mus tiv thaiv txoj kev uas neeg ntxim yuav kis tau tus kabmob lossis lwm yam kabmob ntxiv:
 - Los mus ua kom tsis txhob muaj tus kabmob [Legionnaires' disease](#) thiab lwm cov kabmob uas muaj kev cuam tshuam los ntawm dej, nrhiav kev los mus xyuas kom meej tias tej kav dej thiab cov chaw tso dej (pivtxwv, cov chaw haus dej, cov pa dej raws tsag me uas teeb los ua kom zoo nkauj) yeej tsis muaj kabmob dabtsi tom qab muab lub chaw ntawd kaw tau ib lub sijhawm ntev loo lawm.
 - Muab sijhawm txaus rau cov neeg ua haujlwm los mus tu tej khoom siv thaum lub sijhawm lawv tseem ua lawv txoj haujlwm. Muab cov haujlwm tu khoom siv coj los faib rau cov neeg ua haujlwm los mus ua zoo li ib feem ntawm lawv txoj haujlwm. Mus ntiav cov tuam txhab tu vajtse los pab tu yog thaum muaj dejnum tu ntau, raws li thaum yuav tau ntiav.
 - Txuas cov khoom siv uas tsis tag siv tes mus qhib lossis kaw, yog tias ua tau, suav nrog rau cov teeb uas qhib thaum muaj dabtsi txav lossis ua zog, cov chaw them nyiaj uas tus neeg yeej tsis tau nias dabtsi li, cov taub xab npum uas tus neeg yeej tsis tau siv tes mus tso lossis hliv, cov chaw cia ntawv so tes uas nws yeej txawj tso nws ntawv tawm los rau tus neeg siv, thiab cov tshuab ntaus sijhawm ua haujlwm.
 - Muaj paib hais kom cov qhua lagluam siv cov npav rho nyiaj (debit card) lossis cov npav txais nyiaj (credit card).
 - Thaum xaiv cov tshuaj tua kabmob, xaiv cov uas tau txais kev pom zoo rau neeg siv coj los tua tus kabmob COVID-19 uas muaj nyob ntawm [Lub Chaw Tuav Dejnum Tiv Thaiv Huabcua Txhua Yam Ib Puag Ncig \(Environmental Protection Agency\) \(EPA\) daim ntawv teev cov tshuaj ua lawv pomm zoo rau neeg siv](#) thiab siv raws nraim li cov lus qhia kom siv yam tshuaj ntawd. Xaiv cov tshuaj tua kabmob nyob ntawm EPS daim ntawv teev tshuaj "N" uas yog cov tshuaj muaj cov tshuaj ua npuas (tsis txhob ntau tshaj 3%) lossis cov tshuaj ethanol (cawv ethanol) thiab yeej tsis muaj cov tshuaj peroxyacetic acid lossis peracetic acid xyaw coj los siv sub qhov ntxim yuav ua rau neeg hawb pob thiaj li yuav muaj tsawg. Tsis txhob siv cov tshuaj tua kabmob nyob ntawm daim ntawv teev tshuaj "N" uas muaj cov tshuaj asthmagens, zoo li cov tshuaj dawb (sodium hypochlorite) lossis quaternary ammonium compounds xyaw (pivtxwv,

benzalkonium chloride). [Siv raws nraim li cov kev tu uas yuav muab kev nyabxees rau cov neeg hawb pob \(asthma-safer cleaning methods\)](#) uas tau txais kev pom zoo los ntawm California Lub Chaw Tuav Dejnum Saibxyuas Pejxeem Txoj Kev Noj Qab Nyob Zoo thiab xyuas kom meej tias yeej muaj cua hliv txaus.



Cov Lus Qhia Uas Yuav Kom Ua Hauv Kev Nyob Nrug Deb

- Txoj kev nyob nrug deb xwb yeej tseem tsis tau zoo txaus los mus tiv thaiv txoj kev sibkis ntawm tus kabmob COVID-19.
- Cov chaw haujlwm yuav tsum tau siv ib cov lus qhia thiab kev npaj los dhia dejnum hais txog txoj kev nyob kom nrug deb uas yog ze kawg los yog li rau kauj ruam ntawm cov neeg ua haujlwm thiab lwm cov tib neeg, zoo li tau muab hais tseg rau hauv Cal/OSHA [Tus Qauv ETS Uas Siv Los Tiv Thaiv Neeg Ntawm Tus Kabmob COVID-19](#). Neeg yuav mus nrhiav tau cov ntsiab lus txhua thiab pivtxwv ntxiv nyob rau hauv [Cal/OSHA Cov Lus Nug Uas Neeg Pheej Nquag Muaj](#).
- CDPH pom zoo kom cov chaw haujlwm siv cov kev tiv thaiv uas muaj nyob nram qab no los mus tiv thaiv txoj kev uas neeg ntxim yuav kis tau tus kabmob lossis lwm yam kabmob ntxiv:
 - Tsis txhob muaj cov rooj sibtham tim ntsej tim muag thiab, yog tias yuav tsum tau muaj, muab cov rooj sibtham pauv kom neeg nyob tau nrug deb thiab siv cov rooj sibtham me nyob hauv cov tsev ua haujlwm los ua kom tau raws li cov lus qhia txog txoj kev nyob kom nrug deb.
 - Siv ib lub qhov rooj los ua lub uas neeg nkag mus xwb thiab siv lwm lub qhov rooj los ua lub uas neeg tawm mus los mus pab ua kom muaj kev nyob tau nrug deb yog thaum twg ua tau.
 - Yog tias ua tau, tsim ib lub chaw los muab khoom xa tau ntawm ib tus neeg mus rau lwm tus neeg, xws li muaj txe rau neeg muab khoom tso rau thiab muaj chaw rau neeg muab ntawv tshaj xo koj mus lo rau, los mus ua kom cov neeg tsis txhob tau mus nyob tim ntsej tim muag. Yog thaum twg ua tau, siv cov kev kos npe uas tus neeg yeej tsis chwv lossis tuav los mus txais cov khoom neeg xa tuaj.
 - Yog thaum twg ua tau, npaj kom muaj cov chaw so haujlwm rau nraum zoov uas muaj cov chaw nraim tshav ntuj thiab rooj zaum uas cov neeg yeej nyob tau nrug deb.
 - Yuav tsum muab cov chaw uas neeg mus txheeb npe thaum lawv tuaj txog koj mus teeb kom muaj ntau ntau lub chaw sub neeg thiaj li yuav nyob tau nrug deb.
 - Yuav tshuam muab txhua lub chaw uas txhua tus neeg yuav mus siv tau thiab chav txais qhua teeb kom muaj kev dav nyob hauv nruab nrab ntawm tej leej rooj zaum thiab kom neeg sawv tau tsis muaj teeb meem thaum lawv tseem tos, yog ua tau. Yuav tsum muaj ib co kev uas muab tso tias "mus raws ib seem xwb."

- o Npaj kom muaj neeg ua haujlwm los saibxyuas neeg rau thaum qhov kev sib sau muaj kev so, thaum mus noj mov, tej yam zoo li no, los mus ua kom tsis txhob muaj teebmeem thaum neeg tawm thiab nkag mus ntawm cov chaw nyob hauv lub tsev ua yeeb yam. Siv cov neeg ua haujlwm los qhia kom qhua nyob nrug deb thaum lawv sawv tos thiab pab qhia cov qhua kom lawv paub tias txoj kab neeg sawv tos yog pib qhov twg vim thaum muaj chaw dav lawm neeg yeej tsis paub tias lawv yuav mus sawv qhov twg tos.



Noj Mov thiab Kev Npaj Zaub Mov

- o Cov neeg tuaj koom, cov neeg nqa zaub mov thiab dej cawv mus rau cov qhua, thiab lwm cov neeg ua haujlwm (cov khob, tais noj mov, ntaub so tes uas neeg twb siv tag lawm, tej yam zoo li no) lossis cov neeg uas mus nqa cov hnab ntim khoom pov tseg yuav tsum tau siv cov hnab looj tes uas muab pov tseg tom qab siv tag (thiab yuav tsum ntxuav tes ua ntej lawv looj hnab looj tes thiab tom qab muab cov hnab looj tes hle tag lawm) thiab siv cov sev thaiv xub ntiag (apron) thiab hloov dua ib daim tshiab tsis tseg.
- o Cov neeg saib haujlwm yuav tsum npaj cov khoom uas neeg sib koom siv xws li cov khoom tso rau hauv tej zaub mov, ntsev thiab kua txob, tej yam zoo li no, coj los muab rau cov neeg siv thaum lawv thov siv xwb thiab yuav tsum siv tshuaj tua kabmob los pleev tes tom qab muab rau neeg siv txhua zaus.



Kev Lom Zem, Kev Tso Suab thiab Duab, Kev Yees Duab/Kev Yees Duab Yeeb Yaj Kiab

- o Hais kom cov neeg ua haujlwm thiab ua yeeb yam siv cov tshuab hais lus tuav ntawm tes sub lawv thiaj li tsis tau sib zog hais lus. Siv tshuaj tua kabmob los tu cov khoom neeg siv los txuas lus thaum ua ntej thiab tom qab muaj ib tus neeg siv tag txhua zaus.
- o Yuav tsum cia tus neeg uas yuav siv cov tshuab hais lus lossis kaw lus (microphones) dai rau ntawm ntsej tsho los mus muab yam khoom ntawd coj los dai rau nws lub ntsej tsho, tsis txhob cia lwm tus neeg dai, pivtxwv tus neeg tso nkauj lossis tus neeg yees duab yeeb yaj kiab.
- o Siv tshuaj tua kabmob los tu cov tshuab hais lus lossis kaw lus thiab cov khoom tso suab thaum ua ntej thiab tom qab muaj ib tus neeg siv tag txhua zaus, tu raws nraim lub tuam txhab uas ua yam khoom ntawd cov lus qhia kom tu, thiab muab cov koom uas siv los txawb cov tshuab hais lus uas yeej tu tsis tau huv hloov rau cov tshiab.
- o Cov neeg ua yeeb yam thiab/lossis cov neeg tuaj koom qhov kev sib sau yuav tsum tsis txhob sib koom siv cov tshuab hais lus, yog tias ua tau. Yog tias cov neeg tuaj koom qhov kev sib sau yuav tau siv ib lub tshuab hais los hais cov lus, tej yam zoo li no, yuav tsum tau npaj ib lub tshuab hais lus txawv rau lawv siv.

- Peb pom zoo kom cov tuam txhab ua yeeb yam yuav cov ntaub khwb tshuab hais lus coj los siv rau cov tshuab hais lus uas muaj coob tus neeg siv nyob rau ntawm qhov kev sib sau.
- Siv cov tshuab hais lus uas dai lossis cov uas muaj ib tus ncej sub cov qhua lossis cov neeg ua haujlwm thiab li tsis tau tuav lub tshuab hais lus.
- Txhua yam khoom siv uas neeg nquag tuav: yuav tsum siv tshuaj tua kabmob los tu tshuab hais lus, cov ncej tshuab hais lus, cov tshuab nias los tso duab, thiab cov xov tso suab/duab yeeb yaj kiab tsis tseg thiab tom qab muaj ib tus neeg txawv siv tag txhua zaus. Yuav tsum npaj kom txhua tus neeg nyias muaj nyias ib cov khoom siv yog tias ua tau lossis siv tshuaj tua kabmob los tu tom qab muaj ib tus neeg siv ib yam khoom tag txhua zaus.
- Lub chaw muag khoom uas siv yam khoom ntawd yuav tsum yog tus los npaj thiab kov yam khoom ntawd xwb yog thaum twg ua tau.
- Tsuas pub cov neeg uas nyob ib tse mus siv cov chaw yees duab nyob rau tib lub sijhawm xwb. Peb yeej xav kom cov chaw yees duab yog cov uas qhib kom muaj cua hliv mus los tau.
- Yuav tsum muaj paib qhia tias tsuas pub yees cov duab uas muaj coob tus neeg yees ua ke rau cov neeg uas yeej yog cov neeg nyob ua ib tse xwb.
- Yog tias muaj khoom rau neeg siv thaum yees duab, xyuas kom meej tias yeej muaj tshuaj tua kabmob pleev tes rau neeg siv thaum ua ntej lawv yuav mus siv cov khoom ntawd.
- Tom qab muaj neeg siv tag txhua zaus, tus neeg saib haujlwm ntawm lub chaw yees duab yuav tsum muab txhua qhov chaw uas muaj coob tus neeg chwv, zoo li daim txiag siv tes kov (touch screen), tu tsis tseg.

1 Yuav tsum tau xav saib puas yuav kom dabtsi ntiv los mus tiv thaiv cov peixeem uas ntiv yuav mob hnyav. Cov neeg saib haujlwm hauv qhov kev sib sau yuav tsum tau ua raws nraim li [Cal/OSHA](#) cov qauv thiab yuav tsum npaj los ua kom tau raws nraim nws cov lus qhia uas yuav kom kom ua nrog cov rau lus qhia los ntawm [Lub Chaw Tswjxyuas thiab Tiv Thaiv Kabmob \(Centers for Disease Control and Prevention \(CDC\)\)](#) thiab [California Lub Chaw Tuav Dejnum Saibxyuas Peixeem Txoj Kev Noj Qab Nyob Zoo \(CDPH\)](#). Ntxiv ntawd, cov chaw haujlwm yuav tsum npaj los muab lawv cov kev dhia dejnum pauv yog tias cov lus qhia ntawd ho pauv.

